

竹林八圩志

地240.83

741.21

部:1-4



竹林八圩志

十二卷

壬申冬日

余霖署





自來郡邑志乘下徵一方之文獻上備惇史之網羅公私纂修咸知鄭重若村鄉聚落則淡忘之矣然郡邑之大即各小村落所集合而成問俗采風詎遺鄉曲但人文稀少記載闕如而掌志事者大半身居城鎮疏於僻壤其界鄰縣或鄰省之地往往彼此均未甄采間有孤高君子苦節閨媛湮沒無聞與夫水陸程途犬牙相錯按圖尋脈輒病抵牾實因當地之人絕無紀錄郡邑志搜掇寥寥隻鱗片羽安能朗若列眉乎吾郡於府縣志外在宋有澉水志烏青志在明有濮川志畧烏青鎮志乾隆時有梅里志道光時有新塍志等書此雖非縣邑猶巨鎮也嘉興東南隅三十里竹林廟極小之草市并附近八圩計之僅得縱五里

竹林八圩志

卷首序

一

廣六里耳吾友祝君心梅本貫海甯僑居於此三十餘年無殊土著勵學敦行一鄉稱善以其餘力訪求人物掌故地理古蹟農商利病所遇耆宿田畷方外芻蕘隨時諮詢筆記而考覈之輯為竹林八圩志十二卷屬余參閱初以為此區區者事實無多詎意自明以來儒門宦族不勝枚舉今大半衰替莫能數典或降同樂卻或祀絕六蓼昔時文學政事忠孝貞節之卓犖者將與荒煙蔓草同歸零落不重可悲乎得有心人表而出之幽闡微顯昭示來茲正彰善勸世之一道也名人世系頽祠古墓並疏其崖畧俾景行憑弔共識故墟樵夫牧童稍緩侵削若教之鬼泣感九原亦盛德事也又如除螟之累年棘手飼蠶之百密一



疏區田之阨於工貨種薑之豐於收穫皆於農業有閱歷  
之談蒙塾雖更張團防雖中輟仍詳其創始之規劃莫備  
他日之踵行遺著勤搜殘碑訂古守先待後百載猶新凡  
此衆美畢臻靡可殫述心梅孜孜伏案以一人獨任其難  
不遺不濫可謂心精力果矣夫以彈丸八圩人文如此夥  
頤免於散佚何其幸耶彼幅員大於此數倍先疇懿行載  
筆無人任令泯滅者奚可勝道鄙人循誦之餘顧我梓桑  
滋愧慙焉壬申仲秋拙存陶葆廉謹序時年七十有一



竹林八圩志敘例

竹林居嘉興縣東南隅屬古履淳今作鄉東周里光緒中

里人聯合八圩守望相助東西六里南北五里隱然自

成區域茲即此域詳其圩名並都莊轄地四至八到而

以里名之沿革附馬志界域第一

里地彈丸耳無高巖巨浸顧西南吹晦間時有磊砢墳起

力莫能移皆山脉也水則環抱經緯滌洄綜錯皆有名

可紀濱俗以後從漾汶港並著之渡水須梁故附橋梁為

篇志山水橋梁第二

壇廟一方之胥蠻祠宇一姓之明裡皆仁人孝子所有事

也未能事神焉能事鬼聯志之所以著里人報功追遠

竹林八圩志

卷首 敘例

之思焉志壇廟祠宇第三

古者守塚有官樵蘇有禁防護往哲遺壠者至慎里中高

墓廣阡所在而有顧碑碣無存姓名莫述過之一嘆而

已茲就有徵者志之近人行誼足述者併及焉志塚墓

第四

旌門式閭道在尊賢風徽雖邈景仰常存若夫峻宇雕牆

壯觀所繫茅亭草閣幽趣偏深可以增鄉里之光榮延

雅人之芳躅遂連及之志第宅第五

里之特產唯薑蠶絲米菽衣食所資筭則見稱於昔人今

咸志之其飼育培植諸法傳習已嫻但舉其當改與宜

效者若夫草木禽魚縣志已詳欲求多識請讀彼書志



物產第六

八圩縣之深鄉無官署之設相傳彰嘉橋有倉基其北有糧船洪揆其名義昔時或置官殿今不可攷由文字放失也若近年捍衛教養諸項咸賴公眾志之俾後人因文而得攷焉志設置第七

金石文字昔人謂可補證史闕為纂述者所不廢顧重在文而不在器器佚而文猶得存焉若坊表之屬亦旌德揚烈之器也以類相隸或不戾歟志金石第八

薦辟科舉掾敘資郎選賢任能國資為治明經亦進身初階封贈則推恩盛典官職履歷可資論世表而出之庶皆有攷志選舉第九

竹林八圩志

卷首 敘例

二

名臣循吏碩德魁彥下至騷人墨客曲藝畸材七百年來八圩之小亦畧具焉統之曰人物示不敢妄別亦吳郡志先例也庸賢列女附其後冠以目踵趙縣志便檢閱也志選舉人物第十

有德者必有言鏤肝鋤腎傳者什一幸矣其失傳者或有目可錄則彙而志之亦藉以稍吐其氣歟志藝文目第十一

文以繫事文不墜斯事不墜故纂述家亦錄詩文以徵事跡焉今以里人之作為內編非里人則外之不涉於里者勿錄先文後詩畧以時代為次志文徵詩徵內外編第十二



志例終以叢譚紀前言往行之無可類比或介在疑信與  
無關宏旨者皆所以廣見聞資譚助也茲踵其例志叢  
譚第十三

敘例畢

竹林八圩志

卷首敘例

三



竹林八圩志目次

卷首 序 敘例 圖 分圖 圖嗣出

卷一 界域 都庄圩名轄地 里名沿革 山水橋梁

卷二 壇廟祠宇 塚墓 第宅

卷三 物產

卷四 設置

卷五 金石

卷六 選舉 人物 厲賢 列女

卷七 藝文目

卷八 文徵內編

卷九 文徵外編

竹林八圩志

卷首 目次

卷十 詩徵內編

卷十一 詩徵外編

卷十二 叢譚

目次 畢



